

中國方志叢書·華北地方·第五三五號


據

民國·陳瑄修，趙思明纂
民國二十二年石印本

影印

陝西 省

葭縣志



成文出版社有限公司印行



10107871

中華民國六十五年 月臺一版

葭縣志

全冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民國廿二年

陝西葭縣縣志

王禔題

葭縣志序

中國何以治曰中國之縣治則國治矣縣何以治曰一縣之農村治則縣治矣是以修縣志者必於一縣之禮教風俗土宜壹是加詳所以促村治之改進也民國法制尤重自治識者謂自治以縣為單位縣治又必以農村為單位其意益即在此葭縣志書成邑紳苗植庭張鏡川携榆付刊適濟南供職榆陽軍部相晤出志稿數帙囑為文以序撥閱一過深有所契不敢以謏陋辭溯是志重修於清光緒甲午州牧李仁山先生垂三十餘年中經張鏡川魏楚翹楚南昆仲及閻適安諸君賡續增脩延至民國十七年趙君九樞張君子實精心合作乃燦然成帙焉濟南於民國十四年由橫山來宰斯邑躬逢其

盛得參末議比次年調任府谷時蓋已畧具規模矣今隔數年九樞
子實兩君復博採精研遂成一完美無瑕之偉作內容豐贍無俟贅
言然濟南竊有進者慨自晚近歐風東漸國粹蕩然士商競尚奢侈
履工相習進脩甚者藉口自由平等事事力求解放視禮教如仇讐
道德墮落風俗於以日漓縣之有志士所以備一邑農村之觀感救
弊補偏垂諸久遠未可為一時風尚所束縛細繹諸篇關於禮教敦
陳特詳其殆具匡時勵俗之苦心乎顧所貴乎提倡道德在躬行不
在空談正己化人相觀而善必其人德望夙孚足為一般農村民衆
素所敬仰而矜式之者乃克有濟國為農村之所積而成有農村則
城市亦肱之然則戒怠惰以導之勤祛奢汰以示之儉講信義息爭


訟以教之禮讓各城市農村負有鄉望之紳耆皆與有責焉果能以
身作則默化潛移葭蕈一隅將可為全國之農村倡則是志之作正
其嚆矢耳濟南不敏願拭目以觀郅治之盛云

中華民國二十一年六月上旬

前署葭縣知事

陸軍第八十六師軍法處長

河南葭縣劉得南序



續脩葭縣志序

縣之有志猶國之有史也一代政治之興廢文化之優劣莫不載諸史冊而一縣之山川形勢風教禮俗以及建置沿革物產方言亦胥與志內紀之則縣志之與國史固並重而不可偏廢者也葭縣舊志自清光緒甲午州牧李仁山繼續重修迄今三十餘年時遷世異國體變更地方情形今昔異觀其間可記可志之事亦已多矣故民國丙辰知事李懷卿聘請魏楚翹張鏡川諸先生因修通志之便徵文攷獻續輯成帙其後知事史吉人柯秦屏兩公督同縣紳詳加釐訂前任陳公韻軒復請趙君几樞張君子實搜集舊志及前二次修訂之本刪繁補遺始克完成是志也先後修訂三次起丙辰迄己巳歷

十四年之久費此極大經營不可謂非認真將事也然修訂雖成終未付梓庚午春余捧檄來葭見歷年凶荒凡百廢弛正思所以起衰救弊者邑紳咸以縣志付印為請並告其始末余聞之不禁慨然曰縣志經前數任暨諸君子旁求博採殫精竭力草創修飾既成帙而中止功虧一簣不亦大可惜耶然當此饑饉之餘財窮力盡籌絃數百元之印費亦大非易而又恐風雲時事瞬息變幻此機一失不惟諸公之心力空勞而地方最要之典籍又將散失無存古人云莫為之前雖美弗彰莫為之後雖善弗傳余當竭盡棉薄以樂觀厥成焉歲中華民國十九年歲次庚午七月上浣

葭縣縣長趙壽祺識

續修縣志序

慨自近世以來禮義衰道德亡人欲橫流不可遏止外患甚於宗末
內憂埒於明亡上焉者力趨歐風置國粹於不顧下焉者聽邪說之
橫行直奔汚流此誠可為痛哭者也壬申七月余來牧斯土縣中縉
紳耆舊僉謂縣誌之有闕風化也至要且重倡義復修苗公植庭魏
公楚南張公鏡川張公子實皆為一時賢俊越五閱月博訪周咨編
纂成帙將以付梓而請序於余余以半生成馬未嘗學問憂患餘生
避囂塵而來此亦聊代賣瓜種柳已耳愧無皇甫之才敢序太冲之
賦第辭不獲為書數語曰晉之乘楚之檮杌魯之春秋漢之史記代
代有史省縣有誌其實一也夫史所以記事也而誌亦所以記事也

可者褒之其不可者貶之而忠孝節義之可泣可歌者均詳而記之
使後之人知所景慕移風易俗端賴於斯豈不貴歟至山川河流土
地物產之紀不過使人知覆載在茲從而愛護之耳余慨夫今世之
道衰德微國亡之無日其挽救之方在使國人知忠孝仁愛信義和
平之不可或廢也上倡之而下和之則忠孝節義之行不難復見於
今於此知縣誌之不可不修不可不急於修其修誌之功於斯著矣
尤願後此豪傑忠義之士輩出於葭山蘆水之間其誌更為不虛修
矣是為序

葭縣縣長續心原識

續脩葭縣志序

嘗攷禹紀山川漢收圖籍歷代相因郡邑有志雖非國史可備方聞
然斷代為書近聞蓋闕閔時既久存簡復稀不有續編曷由徵信矧
政體更新建設萬端不特封建專制諸作無當於用即典章文物政
治風化等項亦應準則時宜斟酌損益俾察往可以知來信今即以
廸後葭名邑也余以漢南末學來宰斯土覩城市之荒蕪覘民生之
凋敝猥不自諒輒思所以振興之邑舊有志亦以歲久失修缺遺滋
甚披覽之餘未嘗不喟然而嘆曰昔之雄鎮今何衰落至此哉語云
前事不忘後事之師毋亦志乘不修昔賢之條教制度所以興利除
弊化民成俗與夫鄉邦長老所以詒其子弟飭其田畝儀型當時以

垂範於後世者無所資以考信後之人亦無所資以觀感奮起有以
使然哉是則志之云者非徒以記往事載陳迹而已其有貢獻於革
故更新創制進化者為值尤大續修之舉曷可緩已於是徵之史乘
訪之鄉耆撮要纂輯冀成完篇第以政務紛繁遽難卒業適值陝西
通志局新訂目錄普令續修爰舉趙君九樞張君子實專任其事旁
搜博採拾遺補缺酌古準今悉心擬撰書既成不飾詞以誇前代不
增美以炫後人綱舉目張有條有序後之體國經野採風問俗者或
將有取於斯

中華民國十八年二月

漢中陳琯識於葭縣政府

鼓縣續志序

夫志者何即記錄過去之事以垂示將來者也但越時既久凡地方上之河山形勝秩官宦績與夫文獻風化等類不無變更若不續加修輯其何以昭示來茲乎是以陳公自蒞任以來於簿書彙掌之外即汲汲以修志為務又值通志局新訂目錄督促編修則志之續也豈容緩哉第念脩志必以士紳之見聞為依歸若山川古蹟物產風俗何者脫遺何者訛繆苟不從士紳中確徵其實率爾採錄則文雖佳語雖精未有不薄淮陽而取罪戾者也因舉九樞趙子子實張子博採遺文訪諸耆父得名公先達騷人逸士之詩文記序編輯成篇遂使河山形勝秩官宦績與夫文獻風化等類無所脫遺無所訛繆

而志為完書矣余以榆陽下士承審斯土讀其書如讀史之列傳春秋之左氏公羊穀梁不禁擊節稱賞曰陳公之有功於邑二子之有功於公固相與有成也國不揣謏陋勉紀巔末一以揚陳公之毅力任事一以表二子之精心結撰云是為序

中華民國十八年二月

日

葭縣承審員伍守謙識

續脩縣志序

縣志自光緒甲午李司馬仁山重修後迄今三十餘年其間滄桑度
更歐風漸染政治改革不有續志以紀其實上之無以備輶軒之採
訪下之難以爲考鏡之資借居斯土者不可不急爲纂次之以繼往
而開來故鏡川張子礎翹魏子同起草創楚南魏子通安閻子相繼
增修旁蒐博採亦極大費時日與精力矣第其詞意冗繁法例凌亂
恐未足以昭示來茲丁卯孟秋漢南陳公來宰吾邑百廢俱興即欲
成就其書適值客軍駐境供支浩繁閭閻瘡痍未瘳無暇顧及越明
年戊辰夏值陝西通志局新訂目錄督促修志適與陳公初願相符
以公家學淵源知識宏博何難出其素所蘊蓄崇論偉議遠追龍門

近法對山以著成一家言而猶必殷殷然延及菲紆不肯以編纂自居者公之謙摯之心為之也余貧病交侵筆硯荒蕪以持螯之見效續貂之舉詎能贊成鴻典雖然隸屬編氓誼實難辭仍以張子筆草本為型模刪繁就簡補漏闕疑不敢以毀譽定取舍不敢以愛憎判是非恭以諸書質之衆史旁徵於稗官野乘閱三月而告歲視舊稿不無異同然同非苟同則異非好異猶隔年之百葉不能作今歲之憲書也茲因編輯成帙將付剞劂故畧叙梗概以備輶軒之採風官民之考鏡庶文獻不至廢墜地方有所觀感風化政治蒸蒸日上以無負陳公修志之本意焉是為序

時在中華民國十七年歲次

戊辰小陽月

甘肅候補直隸州州判趙思明九樞父識